

# a voz do pobo

¡Proletarios de todolos  
países unídevos!

Órgano do Comité Central do Partido Comunista de Galicia

Editado polo P. C. G.

Ano IX

N.º 21

Domingo, 13 de Marzo de 1977

Precio: 10 Pesetas

## Ante as elecções

# Sí a un PACTO GALEGO de base amplia e realista entre todos os partidos democráticos de Galicia

A Comisión Negociadora da oposición leva máis de 15 días agardando ser recibida polo Presidente do Governo para tratar o tema das nacionalidades.

Propónsele duas alternativas ó Governo: ou restablecer os Estatutos dos anos 30 e as institucións emanadas diles, ou a inmediata creación da Xunta de Galicia, Diputación General de Euzkadi e a Generalitat de Catalunya, como medios para recuperación plena das autonomías.

A situación de Galicia, cara ás elecções, cara á democracia que está a vir, é si cabe a máis grave. O actual Governo nin siquera considera necesario en relación con Galicia iniciativas similares ó «Consejo General de Catalunya» ou ás «Juntas Generales de Vizcaya y Guipúzcoa». Pra Suárez, Galicia non existe nin como «problema rexional».

¿Qué facer? Unirse e loitar polos dereitos da nación galega.

As forzas políticas da oposición galega non fumos capaces de constituir un sólo órgano unitario baixo Franco, ou baixo Arias-Fraga. A Táboa e o Consello teñen os seus méritos, pero non foron capaces de fundirse nunha sola voz representativa de Galicia. Agora mesmo, PPG, FSG - PSOE, PSG, PSPG, MCG, PTE e PCG, estamos de acordo na acción común pola amnistía total, a legalización de todos os partidos políticos e o exercicio sin exclusións de todas as libertades políticas e sindicales, pero a solución política de hoxe para Galicia non ten topado unha formulación común e unitaria, cuia defensa tería que abranguer a outras forzas políticas, ademais dos nomeados.

A dous ou tres meses das elecções son urgentes iniciativas semellantes ás dos 29 intelectuais galegos que deron publicidade a un Manifiesto do cal reproducimos algúns párrafos:

«Ora, si os dereitos individuais de cada cidadán van contar nas futuras Cortes con defensores procedentes de todo o territorio español, os dereitos colectivos de cada pobo terán que ser defendidos polos representantes que este mesmo pobo elixa. Ningún, a non ser os propios galegos, vai defender os dereitos de Galicia como pobo con personalidade nacional. Poderemos contar, e sin dúbida contaremos, co apoio dos verdadeiros democráticos non galegos, pero a defensa dos nosos dereitos é misión e responsabilidade nosa.

Movidos por esa preocupación, e desde a serenidade que nos pode dar o non estaremos implicados nas naturais tensións partidarias, queremos fazer un chamamento fraternal aos partidos e máis ás personalidades que van percurar a representación democrática do pobo galego para que fagan por chegar a un entendemento que, sumando

os esforzos de todos, facilite o mellor resultado final conxunto.

Un pacto galego no que os seus firmantes se comprometan a defender os dereitos do noso pobo é posible e necesario.

Sería grave, por tremenda irracional, que un pacto tan sencillo non fora posible entre os partidos e máis as personalidades que aspiran á representación da Galicia verdadeira. Todos debemos confiar —e nós confiamos firmemente— en que serán eles os más interesados en dar este paso necesario en favor dos dereitos do noso pobo.

Firman entre outros: Valentín Paz-Andrade (representante de Galicia na Comisión Negociadora co Governo), Ramón Piñeiro, Domingo García-Sabell, Sebastián Martínez-Risco, Lorenzo Varela, Isaac Díaz Pardo, Andrés

Torres Queiruga, etc.

O PCG respondéu positivamente ó chamamento unitario. Tamén o fixo a Alianza Galega Social Demócrata (AGSD), que puntualizou: «Non é oportuno plantear o problema polarizado federalismo-autonomía, sinón laborar un documento cunhas reivindicacións ..... pra un futuro goberno galego axeitadas ó momento real de Galicia e ás forzas presentes no noso país» (o subrayado é da Redacción da V.P.). No intre de escribir iste artigo (9-III-77) non se conocen outras definicións públicas, pero, polo que se pode saber, a posición das forzas da Táboa e do Consello (organismos que teñen reducido a un mínimo a súa actividade) non é, en principio, desfavorable ás propostas do «documento dos 29». Outros partidos á dereita dos mentados organismos deben definirse tamén sobre a cuestión, pois non

se trata da «Unión da esquerda» sinón dun Pacto entre os partidos políticos de Galicia.

Os comunistas galegos levamos anos loitando, xunto con outras forzas, por «acordar a tempo un Pacto de Unidade Galega». Ou lográmolo, ou as consecuencias poden ser irreparables. Trátase de obter unidos: amnistía total, libertades, goberno provisional de autonomía e proceso constituinte galego desde o primeiro día en que sexa

realidade a alternativa democrática a nivel de Estado. Chegou a hora de por fin á bipolarización da oposición, constituindo xa pola casi totalidade dos partidos e organizacións sindicais un novo organismo de acción política e representación galega. Resolución do Pleno ampliado do C.C. do PCG (A VOZ DO POBO, ano VIII; N.º 13,18 de outubro de 1976).

(Pasa a la pág. 3)

## 'DOCUMENTO DOS 29'

### ACTUAR UNIDOS

#### COMUNICADO DE PRENSA DO COMITÉ EXECUTIVO DO PCG

Vintenove intelectuais galegos deron a conocer na prensa de onte, 6 de marzo, un chamamento a un PACTO GALEGO entre os partidos políticos e as personalidades do noso país, onde se reclama pra Galicia os mesmos dereitos de autonomía que se reconozan ás outras nacionalidades, no caso de que non prospere, polo de agora, a fórmula idónea de estructura federal do Estado español.

O PCG saúda esta iniciativa unitaria e responde positivamente a ela, cuia oportunidade nós tamén sinalamos, coincidindo co editorial donde do «Ideal Galego».

Este Pacto das forzas democráticas galegas é imprescindible hoxe, é mesmo urgente, á fin da democracia hoxe, e ten como da no caso en que non se con-

cretara nunha lista electoral común cara ó Congreso de diputados. Cara ó Senado sería, comodamente, moito más factible. En calquier caso, antes, durante e despois das elecções, os partidos e personalidades do noso país precisarán actuar unidos ó redor dunha base comunes que supoñan, cando menos, a Autonomía galega, un Estado español democrático, e, desde logo, a plena democratización de Galicia.

Un PACTO DE UNIDADE GALEGA entre todas as forzas e personalidades que saíban porse acordado é unha necesidade imperiosa pra Galicia e ten, como é sabido, o noso apoio entusiasta.

Santiago de Compostela, 7 de marzo de 1977.

## «I Asamblea de intelectuales do PCG»



Unha vista parcial da «I Asamblea de Intelectuales do PCG»

O sábado, 5 de marzo, tivo lugar en Santiago de Compostela a I Asamblea de Intelectuales do PCG, a que asistiron 170 membros do Partido (máis de 25 profesións estaban representadas), e un grupo de intelectuais echedados ás nosas posiciós. Tamén estiveron presentes Santiago Alvarez xunto con varios membros do C.E., e delega-

cios dos movementos obrero, campesino, mariñeiro e estudiantil.

Presentouse a Asamblea un «preesquema» titulado «Cultura e política no seo do PCG», redactado por un grupo de intelectuais no que se contiñan unha serie de reflexións encol da política cultural do Partido. Este

preesquema hachábase estructurado en cinco puntos fundamentais: 1.—«A Cultura na sua esfera»; 2.—«Cultura militante»; 3.—«Cultura política e organización»; 4.—O «Obradoiro galego da cultura»; e 5.—«Cultura, cultura galega, partido».

Ista ponencia sirvió de punto de partida a un amplio e apasionado debate onde deuse repaso

á actuación do PCG no Frente Cultural nos últimos anos, analizando as insuficiencias neste campo concreto, e a necesidade de prestarlle máis dedicación pola importancia que ten nunha sociedade coma a nosa e ante a nova situación na que nos atopamos.

(Pasa a la última página)

1972

10 de Marzal

1977

# Amador Rei Rodríguez Daniel Niebla García

Mortos pola Causa obreira galega  
O pobo non vos esquece

Partido Comunista de Galicia

## A FOLGA DOS TRACTORES

Pediuse a dimisión dos cargos das  
Hermandades e Cámaras Sindica-  
les Agrarias

En Logroño, Navarra, Zaragoza, Alava, Burgos, León, Zamora, Soria, Palencia, Valladolid, Segovia, Ávila, Teruel, Huesca, Tarragona, Lérida, Barcelona e Gerona, más de 200.000 campesinos ocuparon cos seus tractores —máis de 50.000— as carreteras en defensa das suas reivindicacións concretadas en tres puntos:

### 1.—Libertade de reunión e de asociación no campo.

Os campesinos en folga decidiron toda a acción en asambleas, e impusaron a organización, no curso da loita, dos seus propios sindicatos libres: as Unións de Agricultores e Ganadeiros.

O P.C.G. ainda insistiu, con motivo da loita das Encrobadas, na urxencia de concretar a libertade sindical no campo galego.

### 2.—Equiparación da Seguridade Social Agraria ós demais sectores productivos.

Precisamente hai uns días, o 2 de marzal, cumplíuse o IV aniversario da celebración do «Proceso das Comisiones Campesiñas de Ourense» onde os pro-

cesados: Carlos Barros e Manuel Peña-Rei do C.E. do P.C.G., Augusto Valencia e os campesinos Xerardo Sandoval, Norberto Salgado e Miguel Domínguez, se lles acusou de dirixir e fomentar a campaña de NON PAGAR a Cuota Empresarial i en favor dunha auténtica Seguridade Social Agraria.

Agora a bandeira contra a inxusticia da S.S.A. estendéuse a toda España de xeito combativo.

### 3.—Precios xustos pros produtos do campo.

Outra esixencia dos labradorés en loita foi a dimisión de todos a xerarquia caciquil das Hermandades. A VOZ DO POBO fai súa ista reivindicación, non sólo pra posibilitar a libertade sindical, senón pra que istos postos non sexan utilizados nas eleccións contra os campesinos e a limpieza democrática destas.

Poucos prevían un levantamento campesino de tanta envergadura e de tanta madurez e organización. Os agricultores souperon loitar e negociar, situar o centro de decisión nas asambleas, fuxir das provocacións, non caer nas folgas indefinidas, coma si o tiveran feito

(Pasa a pág. siguiente)

## 10 de Marzal do 72

Hoxe, cinco anos despóis dos tráxicos sucesos do Ferrol, non podemos esquecer as datas do 9 e 10 de marzo nas que tivo lugar unha das maiores loitas do pobo galego baixo a dictadura franquista.

Unha loita que escomenzou coa xusta e lexítima reivindicación dun Convenio Colectivo na empresa nacional Bazán e rematou co ametrallamiento dunha manifestación pacífica na que resultaron mortos os traballadores: AMADOR REY RODRÍGUEZ e DANIEL NIEBLA GARCIA; máis de 50 feridos de bala, multas por varios millóns de pesetas, 200 detidos, ducias de procesados, 50 despedidos, desposessión de cargos sindicais, etcétera, etcétera.

Varios foron os xuicios que seguiron a istos feitos e que ocasionaron fortes mobilizacións do pobo galego, como o «XUCIO DOS 23 DE FERROL», no

8 de Marzal “Día internacional da Muller”

que foron procesados, entre outros, os camaradas: RAFAEL PI-LLADO, MANUEL AMOR DEUS, JOSE M. RIOBOO, JULIO ANEIRROS, JULIO PEREZ DE LA FUENTE e RAFAEL BAREZ.

A clase obreira e todo o pobo galego non esquecerá iste día no que os traballadores de Ferrol erguerónse cedo pra loitar pola defensa dos seus intereses, pola libertade e pola democracia da súa Terra. ¡AMADOR e DANIEL, NON VOS ESQUECEMOS!

Campaña 5 millions

“Por unha voz  
pra o pobo”

## INTERIOR

### CORUÑA

Recaudado  
polos cdas. .. 31.350  
«26 de Abril» 1.720 = 33.070

### FERROL

Rec. especiales ..... 12.900

### SANTIAGO

Rec. polos cdas. ..... 53.325

### LUGO

Rec. polos cdas. ..... 4.235

### OURENSE

Rec. polos cdas. ..... 40.400

### PONTEVEDRA, PROV.

Rec. polos cdas. ..... 56.124

### VIGO

Rec. polos cdas. ..... 14.250

### VARIOS

Rec. polo C.C. ..... 6.300

### ESTERIOR

### VENEZUELA

Rec. polos cdas. ..... 111.550

Suma total lista N.º 2 .. 332.154

Suma anterior ..... 1.080.602

Suma total 6 28.II-77 ... 1.412.756

## Santiago

# Alvarez, en Catalunya



Invitado polo PSUC, Santiago Alvarez falou de Galicia e do PCG en diversos actos públicos en Catalunya, un na Universidade de Barcelona, onde foi presentado ó público polo camarada J. Solé Tura, en Hospitalet coa compañía de G. López Raimundo, en rodas de prensa, etc.

O PCG invitou asimismo o camarada López Raimundo a facer a presentación do PSUC, próximamente, en Galicia.

Doutra banda, o Goberno se-

cuestrou por «escándalo público» (!!) o libro de S. Alvarez: «UN ENSAIO SOBRE O PROBLEMA NACIONAL DE GALICIA». O que descubriu de novo a vertiente represiva da política gubernamental, que ademáis é incoherente, pois mentras o autor pode falar en Catalunya se lle ven negando en Galicia o mesmo de-reito, e mentras se lle permiten entrevistas na prensa, e a publicación de algúns traballos, se prohíbe un ensaio científico sobre o noso problema nacional.

por PEPE-77

## O FILLO DE BREOGAN



# Eleccións sin libertades non son democráticas

Faltan só unhas semanas para que escomence a campaña electoral e o Partido Comunista —e outros partidos— ainda non está legalizado, hai quien afirma de que non o será hasta despois das eleccións (!); as prohibicións de actos son continuas; a negociación está cortada, e non precisamente por falta de interés da Comisión Negociadora da oposición, xustamente cando fanse discutir 2 temas fundamentais pra que se poida decir que as eleccións próximas son democráticas: o desmantelamento do Movimento e a autonomía de Galicia, Euskadi e Catalunya.


Non negamos os pasos positivos dados polo Goberno Suárez, pero temos que denunciar os pasos atrás, porque poden por en peligro o tránsito pacífico á democracia, e, dende logo, ponen en peligro o carácter mínimamente democrático das eleccións, que, si non cambia rápidamente de sentido a política gubernamental, vanse parecer moi-to ó Referéndum. Sobre todo en Galicia, onde a desigualdade de condicíos entre as diversas opcións que se lle ofrecen ós electores amenaza ser maior.

Con todo, moitísimos galegos van votar libremente, non o que lle diga TVE ou o cacique de turno, i eso é moi difícil que o podan impedir.

Quenes se abstiveron no Referéndum como protesta polo seu carácter antidemocrático, e quenes votaron sí «pra que viñera a democracia», deben votar nas eleccións polos partidos que mellor garanticen a transformación democrática, e debe-n votar polos que durante tantos anos foron a oposición anti-franquista, polos demócratas de sempre, non polos franquistas de Alianza Popular, non polos demócratas de fachada que están á percura de que o máximo de cousas continúen coma can-do Franco.

Pra defenderen no Congreso de Diputados unha Constitución democrática, a convocatoria dunhas segundas eleccións (esta vez plenamente libres), e a Autonomía de Galicia, vale igual un diputado que sufriu representación por luchar contra da Dictadura, ou un diputado que se candra foi funcionario franquista i/ou engordou coa Dictadura mentras ésta durou?

## Afiliate ó PCG



### A FOLGA...

## Levantamiento campesino en España

(Viene de la 2.ª)

A Mocha-Baralla saíron cos seus infinidade de veces. O más tractores á carreteira o 5 de marzo de 11 da mañán a 4,30 da tarde, por iniciativa de CC.CC., e con pancartas que decían: «Sindicatos libres. Dimisión dos Presidentes e Secretarios das Hermandades. Anulación da cuota empresarial da Seguridade Social Agraria. Precios xustos e garantizados nosos produtos. Reparto equitativo dos créditos a todos os campesinos». A decisión foi tomada por unha asamblea na Mocheira finalizaba. Os labregos de

# “A Voz do Pobo” semanal

*Editorial de*  
*opinión*

A nova presentación do novo periódico foi recibida con entusiasmo alá onde chegou un exemplar do número da quincena pasada, que iniciou unha nova época da A VOZ DO POBO, a época da legalidade.

Posta a primería pedra, hai que facer a obra.

A obra de trasformar A VOZ DO POBO no periódico popular, de masas, moderno, que Galicia precisa, é tarefa de todos. Tarea de todos os afiliados ó PCG, tarea de todos os traballadores, tarea de todos os galegos convencidos da necesidade dunha nova prensa libre ó servicio das clases populares, depositarias do futuro ceibe da Terra.

O obxectivo inmediato é: A VOZ DO POBO-SEMANAL. Pra elo o PCG está creando a estrutura administrativa, de distribución e de redacción axeita-

da. Corresponde, de inmediato, ás organizacíos e militantes:

1.º) Dar a meirande importancia política á Responsabilidade de Prensa e Propaganda nos Comités e Agrupacíos, que requiren a plena dedicación dos camaradas designados, e a constitución de Comisións de Prensa e Propaganda áxiles.

2.º) Designar Administradores de A VOZ DO POVO a todos os niveles: nas provincias, nas ciudades, nas vilas, nos centros de trabalho, nos centros de estudio, nos barrios, nas ramas e sectores profesionais, nas concentracíos da emigración galega, etc. Sin unha rede autónoma de distribución, difusión e cobro, non será posible que V. P. chegue á última aldea e a calquer recuncho onde viven e traballan galegos.

3.º) Formar Equipos de Difusión permanentes, baixo a dirección dun camarada responsable, en cada localidade e provincia como mínimo, pra venta de V.P. na rúa, nas portas das empresas, nos mercados, nas feiras, nas festas, nos actos públicos, etc., tan pronto como o periódico chegue ás mans dos difusores.

Independientemente desta difusión directa e periódica, V.P. seguiráse vendendo a través das organizacíos do PCG, que cando sexa preciso sairán, no seu conxunto, a difundilo públicamente, como xa se fixo na campaña pro-abstención no Referéndum.

A VOZ DO POBO SEMANAL tócalle xogar un papel fundamental e insustituible na campaña electoral do PCG. Dahí a urxencia.

## O GOBIERNO VENDE IMAXE

por PEDRO ARIAS *escribe*

A pouco menos de cinco meses da publicación das medidas económicas que provocaron a reacción dos traballadores na folga do 12 de Novembro, o Goberno Suárez aparece cun novo feixe de medidas económicas, o Real Decreto Lei do 25 de febreiro.

O propio Decreto é de por si un **reconocemento do fracaso** das anteriores medidas, que tamén prometían a superación da crisis económica. Tamén significan a confirmation do diagnóstico da crisis que fixera o Partido e a oposición democrática en xeral (1). Nin antes nin agora o Goberno conta con forza e o **consenso** pra levar adiante a verdadeira Política Económica que a situación exige. Pois, sin unha auténtica democratización da vida política e dos aparellos de Estado, sin unha Reforma Fiscal que permita financiar os proyectos económicos, sin o **acordo dos traballadores**, sin unha efectiva política de desenvolvemento económico para nacionalidades e rexións desfavorecidas, non haberá unha superación real da crisis, o que suporía un continuo elemento de desestabilización política e social.

O Goberno non ten unha política seria pra abordar istos problemas fundamentais, e como se verá más adiante, istas machaconamente pola oposición: xa non é posible o crecemento

mento basado na explotación intensiva das clases traballadoras no interior, e dos emigrantes no exterior; nin tampouco o turismo vai devolver a estabilidade dos anos sesenta, nin as esportacíos serán possibles polos baixos niveles salariais da man de obra española. Compre escomenzar as bases dun **novo modelo económico**, non dependente, basado na restrukturación agropecuaria, na consolidación industrial e na modernización dos sectores terciarios, mais, obviamente, no Decreto non se esbozan medidas coherentes con dita política.

Como o Goberno non dispón de fondos suficientes, polas rixideces do sistema fiscal, pra intervir na economía, trasmite ós capitalistas as iniciativas na esfera económica. Así, mantense o crecemento do crédito ó sector privado nun 23 por 100, se liberalizan progresivamente os tipos de interés, etc. Entre outras merece deslazarse no apartado de política laboral o «liberar la actual legislación en materia de despido colectivo, regulando la facultad de las empresas en la restrukturación de sus plantillas», que como ven sinalou a Confederación Sindical de CCOO é un **ataque aberto á estabilidade no empleo**, e aumenta o paro sin resolver os problemas urxentes da crisis económica.

Si ben as medidas de política económica xeral teñen incidencia en Galicia, son as específicas da política económica «regional» as más relevantes cara ó enfoque dos problemas estructurales da economía galega. Neste aspecto, o Decreto adolece da mesma vaguedade e imprecisión. Sinala que hai que «elaborar un programa de inversiones públicas regionalizado que mejore la asignación especial de los recursos», co cal ainda temos que agardar a que se elabore o plan pra saber en que consiste e pra formular unha valoración. Noutro epígrafe se di: «utilizar la capacidad de gestión del INI para crear y potenciar Sociedades de Desarrollo Regional», agora ben, como non se especifica no que consiste a devandita «potenciación» nin os projectos concretos que vanse abordar, a pretensión limitacióis se traducen na sua incapacidade pra formular un auténtico programa de Política Económica.

Sin embargo, si o **Pacto Galego** se concreta sobre bases realistas e amplias, a loita do pobo galego faríase imparable, e as eleccións porían significar a recuperación da Autonomía galega, base de partida necesaria no futuro «pacto federal» entre os pobos de España.

No Decreto se reconoce que

o modelo de crecemento da economía española dos derradeiros anos está esgotado. Ista é unha evidencia formulada carece de contido real. Na mesma orientación se incluyen tópicos como: «aprobar las bases de un Plan Nacional de Ordenación del Territorio» (o plan pra Galicia xa foi rexeitado por todas as forzas da oposición democrática galega), ou «apoyar técnica y económicamente a las corporaciones locales para la actuación y agilización del planeamiento con el objetivo de obter suelo urbanizable a corto plazo», medida inviable sin o establecemento de Axuntamentos democráticos e a erradicación da especulación do chan; «aceelerar y descentralizar la actuación de los órganos urbanísticos», ¿cómo?; «atender la demanda de la vivienda media y rural», ista medida no contesto da folga dos campesinos amosta todo o seu contido demagóxico, cando nin siquera se lles reconocen os dereitos sindicales e as reivindicacíos socioeconómicas mínimas.

En realidade un **Goberno non lexitimado democráticamente** e a poucos meses das eleccións, non ten capacidade de maniobra económica efectiva como se manifesta no Decreto. Mais non por isto inhibíuse de lanzalo: forma parte da súa estratezia «electoralista», quer aparecer ós ollos da opinión como un Gabinete «inquieto» e atento a problemática que crea a situación económica. Isto ó marxe de certo apoio ás grandes empresas, ben claro en certos apartados, isto é o verdadeiro sentido do Decreto! Deixuí que **compre desenmascaralo e denuncio** ó tempo que se plantean as alternativas reais á crisis económica que pra Galicia pasan pola conquista dunha autonomía efectiva pra reter o seu aforro e instrumentar un auténtico plan de desenvolvemento económico.

(1) Ver: Azcarate, Boyer e outros: «Programas económicos en la alternativa democrática». Tamén, Círculos de Estudios y democrática para la economía Publicaciones: «Una alternativa española». Pra Galicia, Santiago Alvarez: «Una alternativa política pra Galicia»; Comisión de Estudios Gallegos: «Una alternativa democrática pra economía galega». E os estudos e comunicados das centrales sindicales e dos partidos políticos.

# Recuperar a nosa historia

Neste mes de Marzo cumplese ó 40 cabodano da morte de Benigno Alvarez, responsable da organización do PCE en Ourense, organización que no ano 36 era a quinta do Partido, polo seu número de militantes en toda España.

Benigno Alvarez, chamado «o amigo do home», ainda é recordado en todo Ourense. A VOZ DO POBO tamén quer sumarse a ista data reproduciendo un relato da súa morte feito por Manuel D. Benavides, relato recollido dun libro titulado: «Galicia bajo el Terror», editado pola Alianza Nacional Galega (organismo antifranquista da oposición democrática española nos anos 40).

O fascismo galego tiña lumes de bestia dañina nos ollos. Galicia era xa un corpo decapitado, e con ser tantos os mortos, os verdugos da Cruña, Lugo, Ourense e Pontevedra antoxábaselles ceras ós que faltaba a unidade. Benigno Alvarez, o Xefe do Partido Comunista de Ourense, o comunista más galego da nosa terra, o home que puso a súa man na man de Bóveda perante a campaña electoral do 1936 e decía del: «Bóveda non é comunista, pero é un bon galego e un home de estatura pequena, estreito me honrados».